

弘治上海志

下

中華民國二十九年三月印刷  
中華民國二十九年三月發行

弘治上海志 (全三冊)

◎ 實價國幣貳圓陸角

(郵運運費另加)

編纂者 明

發行者

中華  
代表

印刷者

美商永

總發行處

中華書局發行所

分發行處

各埠中華書局

版權不  
准翻印

上海志後序

上海華亭一舊鎮也至元  
間始割為縣屬松江府百  
五十年于茲益繁益茂天  
下之以縣稱者自華亭而  
下莫能先焉而志未有缺

典也其膏腴富庶與華亭  
同而加之以魚鹽荏葦之利  
乘潮汐上下浦射貴賤貿易  
駛疾數十里如反覆掌又多  
能客販湖襄燕趙齊魯之  
區不數年可致鉅產服食

侈靡華亭殆不及焉然名  
賢高士雖不乏人而甲科  
顯宦則視華亭為劣邇來  
屢得文章道德之士作尹  
以鼓舞之彬彙征錯布臺  
省而巨筆雅音漸出華亭

上矣志之作於此時非有待也哉盧龍郭君載道以名進士尹上海律已廉撫衆寬繩惡嚴貧而無告者加之以惠如是者三年上下交孚行且升矣而阨於浮

議衆為不平公論遂白神  
人胥慶君曰吾不喜居此  
喜得成吾志也吾尹大縣

而志不作非吾過與乃屬  
其邑人唐進士士綱撰次之  
郭君即所謂道德文章之

士而士網所謂巨筆雅音科  
甲臺省之一也又贊之以宿  
學朱叔易則其志烏得而  
不成哉抑亦非真有待也  
哉其風俗節奢從儉而邑  
中之建設大半出今郡守

宜春劉公作尹時則今日人  
才之盛官守之賢亦不可謂  
無所自也志之作真有待也  
哉其為卷凡八類各有論列  
簡而不遺備而不泛兼收並  
蓄而無所混淆是則可嘉也

已志成屬予書其後予問史  
家莫難於志書大傳曰天子

有問無以對責之疑有志而

不志責之丞司馬遷不作志

遂使三代秦漢之制度沿革

不傳而班固強作之又不能明

其顛末後來第相踵襲而已  
有識者不能不為之浩歎焉  
今郡縣各有志則所謂宋鄭  
之史皆稱志非特史家一事  
而已不尤難哉然而地不之  
書代不之入作不苟同則固

各有見矣與其漠然不顧孰  
若奮然有作也哉予於是乎  
有取焉推是以往成一代之  
制度以備

聖天子之疑丞不在斯人也  
夫不在斯人也夫子於是


乎良有待也

弘治甲子閏月十日

賜進士及第儒林郎翰林

院

國史脩撰郡人錢福序



跋

上海之有志，初自明洪武朝顧瑛，未及成書。至弘治癸亥，縣令郭經延邑人唐錦等纂修，始有定本。厥後一修於嘉靖甲申，再修於萬曆戊子，清代五修，民國二修，成書凡十。顧明代三志，萬曆獨傳，弘治、嘉靖佚。自清初咸同之際，嘉靖志嘗一度復見，近入吳興周氏之藏，既獲影印傳世矣。惟最古之弘治志，始終晦闕未顯。民國二十一年秋，上海市通志館成立，編輯部同人以文獻無徵，力求舊志，詢之國內外公私圖書館與藏書家，俱未獲弘治志之踪跡。歷時二載，始悉此散佚近三百年之弘治志，尚存一孤本於四明范氏天一閣。復經

二年餘之商洽，幸得假錄副本，並攝其全影，重返故土焉。書凡八卷，爲目三十有八，志法有則，紀述簡而不遺，備而不泛，兼收並蓄而無所混淆，錢福序之詳矣。念此志覓求之匪易，若仍聽其孤傳閔藏，何如公諸世人而共寶之，爰檢影片付中華書局，仿原樣印行，用存其真。此一舉也，庶幾彰范氏收藏之功，誌編輯部同人搜訪之勤，兼以饜嗜古者之求，並足廣文獻流傳云爾。

中華民國二十六年五月二十六日

吳江柳亞子跋於上海市通志館

上海志卷之五

邑人唐錦

朱曜



建設志

夫學校所以陳禮樂而造材俊，魯所以居命  
吏而宣化功為治之道莫先焉。而津梁堰閘則  
又王政之所急也。夫唯堂榭亭宇似無與於大  
體，然亦有因人而勝。如諸葛之廬子雲之亭，足  
以擅一方之勝槩為一時之美談，非直取其供

遊觀資玩賞而已亦不可廢也作建設志

### 學校

儒學在縣治東一百二十步初上海鎮學也

始於宋邑人唐時措時拱市韓氏屋立文昌

宮咸淳中請於監鎮董楷作古修堂為諸生

肄習所因稱鎮學至元末改鎮為縣甲午歲

縣尹周汝楫遂更為縣學繕葺未竟明年廉

訪僉事朱思誠以按部至委邑人費拱辰成

之郡守張之翰有記

縣志邑有李始于漢至魏令縣五百戶置坊